

Quejatza tequitij para quixelohuaj campá pehua huan campá ontiami nepamitl para parejo imiyaca itztose masehualme para campá tlahuasanise

Ipan to Mexco, sihuame huan tlacame tlaixhuasaniyaj para quitlapejpeníse ajqueya quinnahuatis huan ajqueya quinixnextis. Ica ni tlen quichihua, quinextíaj para quimacaj mano masehualme ma quintlapejpenica inintlanahuatijcahuaj tlen yajuanti quiitaj para cuali. Huan tlanahuatiyani moxeloahuaj ica sej sen tequitl tlen quiselijtoque. Ya ní nopa tlen quitocaxtíaj Poder Ejecutivo tlen quinequi quijitos: quimacatoque mano quichihuas tlen quinahuatijtóc nopa Poder Legislativo. Ni Poder Legislativo, itequi huan imaco eltoc para quichihuas huan quicuajlalis tlanahuatili. Huan nopa Poder Judicial tlen imaco eltoc para quiitas tlachque xitlahuac huan ax xitlahuac. Huan nopa Poder Legislativo mocamahúaj huan quisencahuaj quema mosencahua se tlanahuatili ipan totlal Mexco; nochi ya ní mochihua ica diputados huan Senadores. Nopa Diputados techixnextíaj iixpa nopa Congreso de la Unión, huan ni Congreso de la Unión yajuanti huejhueyi tlanahuatiyani tlapejpenilme tlen mosejcotilíaj huan mosehúaj huan quiyohualohuaj se hueyi mesa huan quichihua tlanahuatili. Ni yajuanti, quintlapejpeniyaj sej sen eyi xihuitl.

Ipan Totlal Mexco tijpiyaj mano tijtlapejpenise totlanahuatijca, para tlaixhuasani se tlatatl o se sihuatl, nochi ome ininpatij. Para nesis para melahuac inincamanal, quema quitlapejpenise diputados quixelohuaj ranchojtini para ma mocahuaca parejo tlen tlahuasanise. Quejnopa sej sen diputado quinyacanas quesqui imiyaca masehualme tlaixquetzalme. Ya ní quitocaxtíaj distrito electorales. Huelis sequin tlaltini mas hueyi campá itztoc o mas piltzitzí, pero monequi elis san se imiyaca masehuali.

Nopa ama tlanahuatili huan tlasencahuali tlen ipati ipan to Mexco, itoca Constitución Política de los Estados Unidos. Quiijtohua para totlal Mexco quixelojtoque ica 300 distritos, huan ipan sej sen estado quitlapejpeníaj sej sen diputado federal. Huajca nopa Constitución Política tlen sej sen estado, quintlalíaj huan quiixquetzaj quesqui diputados monequi, san queja quiixquetztoque imiyaca tlen quitocaxtíaj distritos electorales.

¿Tlachque quinequi quijitos Distrito Electoral?

Quiijtosnequi se lugar o se estado tlapejpenili campá quiitaj canque pehua o tlami nopa nepamitl tlen quiixquetztoque imiyaca tlaclame o campá tlami tlayejyecoli ipan to estado. para ica ya ní, hueli quitlapejpenise se tlatatl o se sihuatl diputado. Para sej sen diputado tlapejpenili ma quiyacana nopa tlacame tlaixquetzalme.

¿Tlachque quinequi quijitos distritación electoral?

Ya ní nopa tequitl. Nopa Instituto Nacional Electoral (INE), quipiyaj nopa tlanahuatili. Yajuanti quiitaj canque pehua huan canque ontlami nepamitl para quijitose canque tlatilantoque campa tlahuasanise, ipan tlachque estado o canque nopa quitlapejpenijtoque.

¿Tlachque tlapalehuía ni tlamantli?


Quejnopa quimoyahuaj masehualme ipan sej sen estado campa quisencajtoque para ma tlahuasanica, huan quejnopa sej sen tlanahuatijquetl quipiyas san se imiyaca masehualme para quinyacanas, yanopa mochihuas ipan nochi México, huan ma quimocuitlahuise para quema sej sen tlen tlaixhuasanis ipati elis.

¿Para tlen monequi quinxelose masehualme?

Monequi quipohuase huan quiitase canque pehua huan canque tlamí nopa tlali pampa masehualme mijcueníaj. Pampa tlatatij se conetzi, pampa miqui se tohuampo, huan sequinoc san sejcoyoc yohuij, yanopa quichihua para sequij altepeco o ranchojtini quipiyaj mas o caquihui, ica yanopa sequij altepetini quipiyaj mas masehuali para campa quinamiqui tlahuasanise. Yeca ipati ax huejhuejcatlica quitlachilise para ma onca parejo masehualme.

Quejatza monequi tequitise para quiitase canque tlamí huan canque pehua monepantía se tlali campa quinxelose.

Para mochihuas nopa tequitl, monequi quiitase para campa quitlapejpenijtoque tlahuasanise ma quipiya ihuical imiyaca masehualme. Huan ma ayoc mosemanaca para sej sen municipio campa tlatilantoque quipiyas nopa masehualme tlen monequi. Ama, para campa monepantise pampa quixelose masehualme, ma quihuilica san huehueyac ma yajtiyaj. Nochi quimatij quema onca nepamitl, tepetini, atlajtini motlajcoquetzas, monequi se municipio campa itztoque masehualtzitzi, ma san sejco itztoca, ma monemilica huan ma no mocalaquica quema tlanahuatiani quinequise inintlapalehuil.



¿Quema mochihua huan quejatza mochihua?

Ipan xihuitl 2016 huan 2017 ne INE quisencahuas quejatza pehuas nepamitl ipan estados huan campa ontlamis para quixelos masehualme para parejo itztose. Huan pehuas ipan imunicipio Baja California Sur, Campeche, Colima, Chiapas, Altepétl Mexco, Michoacán, Morelos, Nuevo León, Querétaro, San Luis Potosí, Sonora, Tabasco huan Yucatán.

Ipan sej sen estado, tlasentilise para INE quinextis quejatza quisencahuasj para quixelose nopa masehualme para parejo ma elica quema tlaixhuasanise. Ni mochihuas ipan se cali campa mosentiliaj masehualtzitzi inintlawayanca. Nopano itztose tlen quiixnextíaj nopa partidos, nopa tlanahuatiani ipan Estados huan campa titlatitlantoque, nopa diputados ipan to estado, huan nopa tlanahuatiani tlen tlanahuatíaj quema tlaixhuasaníaj ipan nochi estados, huan aquí quinequis itztos.

Para quinxelose masehualme para parejo ma elica campa itztoque masehualtzitzi, INE quinsentilis huan quintlajtlanis masehualtzitzi pampa quinequij quimatise tlachque moilhuíaj para quinxelose para parejo ma mocahuaca campa monequis tlaixhuasanise. Huan canque tlatilantoque campa inintechpohui yase.

¿Aiqueya juanti monequi itztose?

Monextise campa oncas nopa tlasentilili, yajuanti tlen teixnextíaj ipan nopa partidos, tlanahuatiani ipan estado huan campa tlatitlantoque, nopa diputados tlen quinyacana ipan estado, tlen quiyacana tochinco. Nochi tlanahuatiani tlen quiyacanaj tlahuasanili campa titlatilantoque huan ipan toestado, chinanco campa itztoque masehualtzitzi huan aquí quinequi itztos.

¿Quema mochihuas huan quejatza quintlajtlanise?

Itztoquejya masehualme tlen tlayolmelahuaj intla se acajya quinequi quimatis más tlen ni tequitl. Pero Onca tlacame tlapejpenilme tlen tematiltise tlatzintoquili ica nopa tlanahuatiyani tlen tlayacanaj ipan altepetzitzi huan chinancotiniy campa itztoque masehualtzitzi tlen sej sen estado. Tematiltise quejatza quinsetilise masehualme campa inntechpohui tlahuasanise para no huelis quijjtose tlachque moilhuáj, tlen mocajque ipan tlasentilili tlen quichihuajse tlanahuatiyani campa tlaixhuasaníaj.

Quema mosentilijjtosejya ipan chinanco o ipan estado, nopa tlanahuatiyani tlen quinyacanque nopa masehualtzitzi, quihuicase tlen quijjtose para INE, Quema quinsentilijque huan quintlajtlanijque masehualme intla quicualitaj quejatza quimoyahuase para parejo ma mocahuaca, INE quinmatiltis nopa masehualme nopa yancuic tlanahuatili quejatza quinxexelojque para canque tlahuasanise, huan teipa quichihuase sampa para quiitase quejatza mocahuas nopa yancuic tlaxeloli.

Para mochihuas cuali nopa tlatzintoquili ipan altepetzitzi huan chinancotiniy campa itztoque masehualtzitzi, INE quitlajtlanis itlapalehuil Instituto Nacional de Lenguas Indígenas (INALI), ica nopa Comisión Nacional para el Desarrollo de los Pueblos Indígenas (CDI).

¿Aiqueya itztose ipan nopa tlasentiquili?

Nopa altepetzitzi huan chinancotiniy campa itztoque masehualtzitzi, inintlanahuatijca tlen quinyacana yajaya quimatiltise.

¡Ximotlajtlaní! Intla ipan nochi toMexco tlapalehuis, timomiyaquilíaj.

¡Ximoamatlali!